

ურთიერთთანამშრომლობის მემორანდუმი

საქართველოს პარლამენტის ილია ჭავჭავაძის სახელობის  
ეროვნულ ბიბლიოთეკასა

და

მართვისა და კომუნიკაციის საერთაშორისო  
სასწავლო უნივერსიტეტ „ალტერბრიჯს“

შორის

ქ.თბილისი

2019 წ.

**წინამდებარე ურთიერთთანამშრომლობის მემორანდუმი (შემდგომში –  
„მემორანდუმი“) მიიღწევა ქ. თბილისში, 2019 წლის 13 სექტემბერს.**

ერთი მხრივ, საქართველოს პარლამენტის ილია ჭავჭავაძის სახელობის ეროვნულ ბიბლიოთეკას (შემდგომში „ეროვნული ბიბლიოთეკა“), რომლის იურიდიული მისამართია: საქართველო. ქ. თბილისი 0107, ლ. გუდიაშვილის ქ. № 7

და

მეორე მხრივ, მართვისა და კომუნიკაციის საერთაშორისო სასწავლო უნივერსიტეტის „ალტერბრიჯი“ (შემდგომში „სასწავლო უნივერსიტეტი“), რომლის ფაქტობრივი მისამართია: საქართველო. ქ. თბილისი ბაგები, წყნეთის გზატკეცილი N67

სადაც,

„ეროვნულ ბიბლიოთეკას“ წარმოადგენს საქართველოს პარლამენტის ილია ჭავჭავაძის სახელობის ეროვნული ბიბლიოთეკის

გენერალური დირექტორი

**გიორგი კეკელიძე**

ხოლო

„სასწავლო უნივერსიტეტს“ წარმოადგენს

რექტორი

**ნათია გოცაძე**

## 1. მემორანდუმის საგანი

- 1.1. წინამდებარე მემორანდუმით მხარეები კისრულობენ ვალდებულებას წარმართონ საკუთარი საქმიანობა ურთიერთთანამშრომლობის, პარტნიორობისა და ერთმანეთისადმი ხელშეწყობის პრინციპებზე.

## 2. მემორანდუმის მიზნები

- 2.1. მხარეები მემორანდუმის ფარგლებში გამოხატავენ ერთმანეთის მიმართ პატივისცემას და თანხმდებიან შემდეგზე:
- ა) „ეროვნული ბიბლიოთეკა“ და „სასწავლო უნივერსიტეტი“ ერთობლივად გაატარებენ სხვადასხვა სახის კულტურულ ღონისძიებებს;
  - ბ) „ეროვნული ბიბლიოთეკა“ და „სასწავლო უნივერსიტეტი“ აქტიურად ითანამშრომლებენ სხვადასხვა სახის ინფორმაციის ურთიერთგაცვლის მიმართულებით;
  - გ) „სასწავლო უნივერსიტეტი“ უსასყიდლოდ გადასცემს „ეროვნულ ბიბლიოთეკას“ მის მიერ გამოცემულ წიგნებს და სამეცნიერო ნაშრომების კრებულებს.
  - დ) თანამშრომლობის ფარგლებში „ეროვნული ბიბლიოთეკა“ სთავაზობს „სასწავლო უნივერსიტეტს“ ისარგებლოს ბიბლიოთეკათმორისი მომსახურების აბონემენტით.
  - ე) „ეროვნული ბიბლიოთეკა“ სთავაზობს „სასწავლო უნივერსიტეტს“ უსასყიდლოდ ისარგებლოს საგამოფენო და საკონფერენციო დარბაზებით;

## 3. მემორანდუმის მოქმედების ვადა

- 3.1. წინამდებარე მემორანდუმი მოქმედებს ორი წლის ვადით.

- ა) მემორანდუმის მოქმედება შეიძლება მოშლილ იქნას მხარეთა ურთიერთშეთანხმების საფუძველზე;
- ბ) მემორანდუმის მოქმედების ვადაზე ადრე მოშლის შემთხვევაში ერთი მხარე მეორეს ერთი თვით ადრე წერილობით შეატყობინებს მოქმედების ვადის მოშლის შესახებ.

#### **4. მხარეთა ვალდებულებები**

- 4.1. წინამდებარე მემორანდუმის მხარეები ვალდებული არიან შეასრულონ მემორანდუმის პირობები კეთილსინდისიერებისა და ურთიერთპატივისცემის საფუძველზე, წარმართონ წინამდებარე მემორანდუმით გათვალისწინებული საქმიანობა ურთიერთშეთანხმებისა და კოორდინაციის პრინციპებზე.
- 4.2. მხარეები კისრულობენ ვალდებულებას შეუთანხმონ ერთმანეთს ნებისმიერი პირობები, რომელიც შეიძლება შეეხოს მეორე მხარის კანონიერ უფლებებსა და ინტერესებს.

#### **5. ცვლილებები, შესწორებები და დამატებები**

- 5.1. წინამდებარე მემორანდუმში ნებისმიერი სახის ცვლილება, შესწორება ან/და დამატება იურიდიულ ძალას იძენს მხოლოდ მხარეთა მიერ მისი წერილობითი გაფორმებისა და ხელმოწერის შემთხვევაში.

#### **6. მხარეთა ურთიერთობა**

- 6.1. ამ მემორანდუმის საფუძველზე წარმოებული მხარეთა ურთიერთობა არ ნიშნავს მხარეთა შორის რაიმე სახის ასოციაციის, კავშირის ან/და გაერთიანების შექმნას.
- 6.2. მესამე პირებთან ურთიერთობებში არც ერთ მხარეს არა აქვს უფლება იმოქმედოს მეორე მხარის სახელით.
- 6.3. მხარეები საქმიანობას წარმართავენ პარტნიორობის, ურთიერთპატივისცემისა და ერთმანეთის საქმიანობაში ჩაურევლობის პრინციპებზე დაყრდნობით.



## 7. სხვა პირობები

- 7.1. მემორანდუმი არ შეიცავს სხვა რაიმე დამატებით წერილობით ან სიტყვიერ შეთანხმებას.
- 7.2. მემორანდუმი შედგენილია ორ თანაბარი იურიდიული ძალის მქონე ეგზემპლარად და ორივე მხარეს გადაეცემა თითო ეგზემპლარი.


## 8. დასკვნითი დებულებები

- 8.1. მემორანდუმი ძალაში შედის მხარეთა მიერ მისი ხელმოწერის მომენტიდან.
- 8.2. ადასტურებენ რა ზემოაღნიშნულს, მხარეები ხელს აწერენ წინამდებარე მემორანდუმს იმ დღესა და წელს, რომელიც მითითებულია მემორანდუმში.

ეროვნული ბიბლიოთეკა:

საქართველოს პარლამენტის ილია ჭავჭავაძის სახელობის ეროვნული ბიბლიოთეკა


გენერალური დირექტორი



გიორგი კვეკელიძე

მართვისა და კომუნიკაციის საერთაშორისო სასწავლო უნივერსიტეტის  
„ალტერბრიჯი“:

რექტორი



ნათია გოცაძე



საქართველო, თბილისი, 13 სექტემბერი, 2019 წელი